



pivallialiurnin huli hivumuurninganin Kanadaup angitqijainnin piangaijnikkut qajangnidjutikkullu turaangadjutainnun.

Kavamatuqatkut piliurianin uumani Build Canada Homes, ikajuqtaujuq imaatun \$2.8 billion ukununga nunalipaujani, inuqqukittuni ukiuqtaqtumilu nunaqaqqaahimajunun iglukhanun, tautuktittuq angijumik hivumuudjutimik. Una minista Nunaqaqqaqtuni Havagutainni hivulliuqtuq uvani tamainni-kavamagijaujuni Nunaqaqqaqtuni Iglukhanun Hanaqidjutikhami havaqatigiplugin Inuinnainni timiqutainni aallanilu Nunaqaqqaahimajuni kavamagijaujuni, Nunavut havangniaqtuq pipkainirun Inuinnainni iglukhanun hivulliutiujukhat hivuliutijauhimajun qitqanullu. Kanadaup Aulapkaidjutikhanun Maniqarvia angiklijuummiqtuq \$3 billion turaangania ukununga Nunaqaqqaqtunun aulapkaidjutikhanun hakugikhaqjuummiqtirniaqtaa angumadjutikhat tamainni Inuinnait nunallaanginni.

Talvuuna Nappaqtirutikkut Kanadami Iglukhat (Build Canada Homes), turaangania ukunani niuvvaajaungittuni, akituvallangittunik iglukhaliurvingmi-piliuqtaujun iglukhat, unalu nutaaq \$1.5 billion Kanadami Akiliqtuqhugu-aturutit Munarijaujun Manikhat (Canada Rental Protection Fund), ikajuqniaqtut munarilugin amigaiqtijuummirlugillu akituvallaangittun qanuriliurutikhat tamaani Nunavunmi. Nunavut Kavamanga quviagijailu ilitaridjutait paannariigutimingnun uvani Nunavunmi Igluliqijirjuakkut nappaqtiriami 700nik nutaanik iglukhanik, piqpiarut kiudjutikkut Nunavutim iglukhailliurutainnun ikajurutikkullu nunallaani naudjutainnik.

Una nutaaq uqaqtaujuq Nunallaani Hakugingnikkut Manikhat (Communities Strong Fund), tuniniaqtun \$51 billion avatqumajuni 10ni ukiuni, pipkaijuq aallamik akhuurnaqtumik uuktuqvikhamik hivumuudjutainnun aulapkaidjutikhanik havaktakhanik havaqatigiikhutik aviktuqhimajuni ukiuqtaqtunilu nunainnin. Nunavut upalungaiqhimajuq havaqatigittiarumaplugin kavamatuqatkunni paannarijait pipkaijaami maniliurutit iglukhani, auladjutinun, ingilradjutinun ukunanilu nunallaani aulapkaidjutini tautuktittut aallangajunik ihariagidjutiinnik piqpiaqpagutiinniklu ukiuqtaqtuni nunallaaptingni.

Tunngahuktittijavullu naunaijarutiat uvani kavamatuqatkunni ikajuutainnik uvunga pijukhamik Inuinnarnun Iliharvigjuakhamun, havaktakhaq hakugikhautikhaq Inuinnarnun ilihaqtunun piniani qulvahitqijaujun iliharutinun nunamingni, tautuktijuq atauttikkut havagumadjuptingnun iliharnirun, mamiharnirun uumanilu ingmikkut-ihumaliuruqtaarutikhanun.

Manikkut aturutaani turaagnania ukunani Ukiuqtaqtuni tamajanik pivingnik mahulingaidjutit uvanilu Nunaqaqqaqtuni aajjikkiiktipkainikkut ilaudjutinik tautuktijuummiqtuqlu hivulliutiujumajainnik qangaraaluk akhuuqtauvaktun Nunavunmin. Hapkuat taimailiurutit ikajurniaqtun piliurnirun aularaanginnaqtaqtunik, nunallaanin-hivulliuqtaujun piangaijautikkut pidjutikhat tamaani nunaptingni.

Huli ilihimapluta una Nutaqqat Hivulliujujkhata Piniqhimadjuti (Child First Initiative) uqautaungittuq uvani ukiup manikkut aturutaani, aulahimmaqtugun havagumanikkut havaqatigilugin ukuat kavamatuqatkunni paannarijavun pipkainirnun ukuat Inuinnait nutaqqat aulahimmaqtukhat aajikkiingniqaqtunik pijaarutunik munaridjutinun havagutinullu, aajikkiingniqarluni uumani pidjutaani Jordan's Principle.

Atauttikkut, hapkuat maniliurutikhat piqaqtun aallanguqtiriami Nunavutim hivunikhaanik, pijjarlugillu ajuqhautit, piliurluni uuktuqvikhanik, hakugikharlugulu Kanadaup Ukiuqtaqtumi atanniqtuidjutta talvuuna paannaqatigiigutikkut Inuinnarnun.”

###

**Tuhaqtipkainikkut Uqarvigijakhaq:**

Sima Sahar Zerehi  
Atanngujaq Hanaqidjutit Auladjutainun  
867-975-5059  
[szerehi6@gov.nu.ca](mailto:szerehi6@gov.nu.ca)

ᐅᑦᐅᑦᑦᑦᑦ ᑦᑦᑦᑦᑦᑦ ᑦᑦᑦᑦᑦᑦ, ᑦᑦᑦᑦᑦᑦᑦ ᑦᑦᑦᑦᑦᑦᑦ ᐅᑦᑦᑦᑦᑦᑦ ᐅᑦᑦᑦ www.gov.nu.ca.  
Statements are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Uqautit hailihimajun Inuktitut, Qablunaatun, Inuinnaqtun Uuiutullu uvani [www.gov.nu.ca](http://www.gov.nu.ca).  
Les déclarations sont disponibles en inuktitut, en anglais, en inuinnaqtun et en français au [www.gov.nu.ca](http://www.gov.nu.ca).

Tuhaqtipkaijiit